

OFFICIUM

SANCTISSIMÆ FAMILIÆ.

AD VESPERAS.

Ant. **O**. Admirabile commercium! Creator generis humani, animatum corpus sumens, de Virgine nasci dignatus est: et procedens homo sine femine, largitus est nobis suam Deitatem. Alleluia.

PSAL. 109.

Dixit Dominus domino meo: * sede à dextris meis.

Donec ponam inimicos tuos, * scabellum pedum tuorum.

Virgam virtutis tuæ emit-
tet Dominus ex Sion: *
dominare in medio inimico-
rum tuorum.

Tecum principium in die
virtutis tuæ, in splendoribus
sanctorum: * ex utero ante
luciferum genui te.

Juravit Dominus, & non
poenitebit eum: * tu es
sacerdos in æternum secun-
dum ordinem Melchisedech.

Dominus a dextris tuis, *
confregit in die iræ suæ reges.

Judicabit in nationibus, im-
plebit ruinas: * conquassabit
capita in terrâ multorum.

De torrente in viâ bibet: *
propterea exaltabit caput.

Ant. **O** admirabile com-
mercium! Creator generis
humani, animatum corpus
sumens, de Virgine nasci
dignatus est: et procedens
homo sine femine, largitus
est nobis suam Deitatem.
Alleluia.

Ant. Ante luciferum geni-
tus, & ante secula, Dominus
Salvator noster in formâ servi
apparuit. Alleluia.

PSAL. 112.

Laudate, pueri, Dominum:
* laudate nomen Domini.

Sit nomen Domini bene-
dictum, * ex hoc nunc, &
usque in seculum.

A solis ortu usque ad oc-
casum, * laudabile nomen
Domini.

Excelsus super omnes
gentes Dominus, * & super
cœlos gloria ejus.

Quis sicut Dominus Deus
noster, qui in altis habitat, *
& humilia respicit in Cœlo
& in terrâ?

Suscitans à terrâ inopem,